

唐
音
統
籤

戊籤九

唐音統籤卷

五百九十九

喻鳧毗陵人體賈島爲詩嘗以所業謁杜紫微不
遇曰吾詩無羅綺鉛粉宜其不售也後登開成五

年進士第終烏程令

志注云令集錄又云尉

詩一卷

唐志有宋志無

按文獻通考引據陳氏書錄鳧與喻坦之各有集
文苑英華詩亦分載鳧與坦之名鳧詩闕遠朗秀
深於選言與坦之牽率成章者迥殊的然二人也
品彙爵里考云鳧字坦之合爲一人似誤又按
謝舉雅睦州詩派序云新定自元和至咸通以詩
名者凡十人內列喻校書鳧喻生坦之二人是鳧
實雅州人而與坦之非爲一人尤可證矣顧
雲序杜牧詩有云左攬工部袂右拍翰林肩吞賈
喻八九于留中無憑芥喻謂鳧也於
時與長江並舉詩價可知爲拈出

五言律詩

卽事

抱杖立溪口迎秋看塞門連山互蒼翠二水各清
渾笛發孤煙成鷓歸夕照村萋萋芳草色終是憶
王孫

元日卽事

斂板賀交親稱觴詎有巡年光悲擲舊景色喜呈
新水柳煙中重山梅雪後真不知將白髮何以度
青春

書懷

祇是守琴書僧中獨寓居心唯慕

一作

鶴靜分合

與名踈暮雨啼螿次涼風落木初家山太湖淥歸
去復何如

晚次臨涇

路入犬羊郡城寒雉堞曛居人祇尚武過客謾投
文馬怯奔澗水鷗沈莽蒼雲沙田積蒿艾竟夕見
燒焚

王母祠前寫望

雲霞千古事桃李舊花顏芳信沉青鳥空祠掩暮
山香傳一座暗柳匝萬家閒那復傷神所河昏落
日間

冬夜宿余正字靜恭里閒居

每來多便宿不負白雲言古木朔風動寒城踈雪
翻殘燈懸刻漏舊夢返湘沅先是琴邊起知爲閣
務繁

寺居秋日對雨有懷

條條復震震黃葉此時飛隱几客吟斷鄰房僧話
稀鴿寒栖樹定螢濕在窓微卽事滿湘渚漁翁披
草衣

龍翔寺言懷

眠雲喜道存讀易過朝昏喬木青連郭長河白瀉

門鐘沉殘月塢鳥去夕陽村搜此成閑句期逢作
者論

龍翔寺閣夜懷渭南張少府

春城帶病別秋塞見除書况是神仙吏仍非塵土
居河風吹烏迥嶽雨滴桐踈坐閣馳思夕沙東涼
月虛

懷鄉

秋風江上家釣艇泊蘆花斷

一作古

岸綠楊蔭踈籬

紅槿遮鼉鳴積雨窳鶴步夕陽沙抱疾僧窓夜歸
心過月斜

得子姪書

遠書來阮巷關下見江東不得經史力枉拋耕稼
功鴈天霞脚雨漁夜華條風無復琴杯興開懷向
爾同

龍翔寺居喜胡權見訪因宿

林棲無異歡煮茗就花欄雀啅北岡曉僧開西閣
寒衝橋二水急扣月一鐘殘明發還分手徒悲行
路難

遊北山寺

煙岡影畔寺遊步此時孤庭靜衆藥在鶴閑雙檜

枯藍峯露秋院
瀾水入春厨
便可棲心跡
如何返舊途

遊雲際寺

澗窞吼風雷
香門絕頂開
閣寒僧不下
鐘定虎常來
鳥啄林梢菓
鷄跳竹裏苔
心源無一事
塵界擬休回

遊暖泉精舍

塢木殿前空
山河澤國同
鳥閉沙影上
泉落樹陰中
纜舸蒲花水
縈幡柳絮風
條然方寸地
何事更悲蓬

宿石窟寺

一刹古岡南孤鐘撼夕嵐
客閑明月閣僧閉白雲
菴野鶴立枯枿天龍吟淨潭
因知不生理合自此
中探

題翠微寺

沿溪又涉嶺始喜到前軒
鐘度鳥沉壑殿扃雲濕
幡涼泉墮衆石古木徹
踈猿月上僧初定斯遊豈
易言

一公房

幽深誰掩關清淨自多閒
一雨收衆木孤雲生遠

山花萎綠苔上鵲乳翠樓間嵐靄燃香夕容聽半
偈還

岫禪師南溪蘭若

錫影配瓶光孤溪照草堂水懸青石磴鐘動白雲
床樹色含殘雨河流帶夕陽唯應無月夜瞑目見
他方

夏日題岫禪師房

朝朝聲磬罷童子掃藤陰花過少游客日長無事
心迴山閉院直落水下橋深安得開方便容身老
此林

冬日題無可上人院

入戶道心生茶閒踏葉行瀉風瓶水澁承雪鶴巢
傾閣北長河氣窓東一檜聲詩言與禪味語默此
皆清

題弘濟寺不出院僧

楚鞋應此世祇遶砌苔休色相莪花視身心坐石
脩聲寒通節院城黑見烽樓欲取閉雲並閉雲有
去留

玄都觀李尊師

蘇憤翠髯公

一作微翁

存思古觀空曉壇檉葉露晴圃

柳花

一作木苗

風壽已將椿並碁難見局終何當與高

鶴飛去游光中

贈李商隱

羽翼恣搏扶山河使筆驅月踈吟夜桂龍失詠春
珠草細盤金勒花繁倒玉壺徒嗟好章句無力致
前途

贈張漬處士

露白覆碁宵林青讀易朝道高天子問名重四方
招許鶴歸華頂期僧過石橋雖然在京國心跡自
逍遙

和段學士南亭春日對雨

晨飛晚未休，蘭閣客吟愁。蕭颯柳邊挂，縈紆花底

流聲繁乍雜。

一作有

籟酒急不成漚，經夕江湖思煙

波一釣舟。

答劉錄事夜月懷湘西友人見寄

相逢仍朔漠，相問卽波濤。江思葦花折，笛聲關

一作

邊

月高簿書君閱倦，章句我吟勞。竟夕空凭閣，長

河滌石壕。

酬王檀見寄

馳心棲杳冥，何物比清冷。夜月照巫峽，秋風吹洞

庭酬難塵髣皓坐久壁燈青竟晚蒼山詠喬枝有
鶴聽

龍翔寺居夏日寄獻王尚書

那期高旆下得遇重臣知泉石容居止風沙免路
岐河兼洛下望句入大荒思無復愁煩暑迴山倚
閣危

夏日龍翔寺卽事寄張侍御

沙西林杪寺殿倚石稜開曉月僧汲井殘陽鐘殷
臺河衝綠野去鳥背白雲來日夕唯增思京關未
想迴

夏日龍翔寺居卽事寄崔侍御

古刹一幡斜吹門水過沙數聲鐘裏飯雙影樹間
茶落日窮荒雨微風古壘沙何當戴豸客復此問
生涯

龍翔寺寄李頻

鐘聲南北寺不道往來遙人事因循過時光荏苒
銷懸燈酒砌雨上閣遶雲鵬卽是洲中柳嘶蟬急
暮條

上高侍御

舊隱白雲峰生涯落葉同關河一栖旅楊柳十東

風迹處龍鍾內聲居泪没中
訓恩若有地寧止殺
微躬

呈薛博士

辛勤長在學一室少曾開
時憶暮山寺獨登衰草
臺名期五字立迹愧九年
來此意今聊寫還希君
子哀

獻知己

亦忝受恩身當殊投刺新
竟蒙分玉石終不離埃
塵大谷非無暖幽枝自未
春昏昏過朝夕應念苦
吟人

寄劉錄事

城西青島寺累夏漱寒泉今在提綱所應難掃石
眠風沙榆塞迥波浪橘洲偏重整瀟湘棹心期更
幾年

冬日寄友人

空爲梁甫吟誰竟是知音風雪坐閉夜鄉園來舊
心滄江孤棹迥落日一鐘深君子久忘我此誠甘
自沉

夏日因懷陽羨舊遊寄裴書記

落日太湖西波涵萬象低藕花薰浦溆菱蔓匿鳧

鸞樹及長橋盡灘迴七里迷還應坐籌暇時一夢
荆溪

秋日將歸長安留別王尚書

朔漠正秋霖西風傳夕砧滄洲未歸迹華髮受恩
心露色岡莎冷蟬聲塢木深清晨鈇鉞內只獻白
雲吟

送越州高錄事

官曹權紀綱行李半舟航浦溆潮來廣川源鳥去
長筍成稽嶺岸蓮發鏡湖香澤國還之任鱸魚浪
得嘗

送衛尉之延陵

草木正花時
交親觸雨辭
一官之任遠
盡室出城遲
乳滴茅君洞
鴉鳴季子祠
想知佐理暇
日有詠懷詩

送武毅之邠寧

戍路少人蹤
邊煙澹復濃
詩寧寫別恨
酒不上離容
燕拂沙河柳
鷗高石窟鐘
悠然一睽阻
山疊虜雲重

送賈島往金州謁姚員外

山光與水色
獨往此中深
溪瀝椒花氣
巖盤漆葉

陰瀟湘終共去巫峽羨先尋幾夕江樓月玄暉伴
靜吟

送潘咸

時時齋破囊訪我息閒坊煮雪問茶味當風看馬
行心齊山鹿逸句敵柳花狂堅苦今如此前程豈
渺茫

送友人下第歸寧

紫閣雪未盡杏園花亦寒灞西辭舊友楚外憶新
安細雨猿啼枿微陽鷺起灘旋應赴秋貢詎得久
承歡

送友人罷舉歸蜀

憔悴滿衣塵，風光豈屬身。
賣琴紅粟貴，看鏡白髭新。
棧畔誰高步，巴邊自問津。
悽然莫滴血，杜宇正哀春。

廣德官舍二松

楊公休簿領，二木日堅牢。
直甚彰吾節，清終庇爾曹。
幽陰月裏細，冷樹雪中高。
誰見干霄後，枝飄白鶴毛。

浴馬

解控復收鞍，長津動細漣。
空蹄沉綠玉，潤臆浸連

錢沫漩橋聲下嘶盤柳影邊常開稟龍性固與白
波便

五言排律

早秋寺居酬張侍御六韻見寄

六十上清冥曉緘東越藤山光紫衣陟寺影白雲
凝濕葉起寒鳥深林驚古僧微風窓靜展細雨關
吟登清韻嶽聲遠佳境湖水澄却思前所獻何以
牙冠稱

和段學士對雪

盈尺知豐歲開牕對酒壺飄當大野匝酒到急流

無密際西風盡凝間朔氣扶乾摧鳥栖枿冷射夜
殘爐替月澄斜漢兼沙攪北湖慙於郢客坐一此
調巴歛

監試夜雨滴空堦

凄雲復淒淒飄松又洒槐氣濛蛛網檻聲疊薜花
堦古壁青燈動深庭濕葉埋徐垂舊鶯瓦競歷小
茅齋冷與陰蟲間清將玉漏諧病身唯展轉誰見
此時懷

春雨如膏

羃羃歛輕塵濛濛濕野春細光添柳重幽點濺花

勻慘淡游絲景陰沉落絮辰迴低飛蝶翅寒滴語
禽身酒岳摧餘雪吹江疊遠蘋東城與西一作南
晴後趣何新

五言絕句

感寓

中
江鄉十年別京國累日同在客幾多事俱付酒杯

晚思

鶴下紫閣雲沈沈翠微雨獨坐正無言孤莊數聲
杵

西山寒日逢韋侍御

解身霜中貌龍鍾病後顏悽傷此身事風雪動江山

題禪院

無花地亦香有鶴松多直向此巽必孤山僧盡相識

贈空禪師

虎兇修行久松知夏臘高寒堂坐風雨冥目尚波

濤意此師自日東來者故云

七言絕句

憶友人

銀地無塵金菊開紫梨紅棗墮莓苔一泓秋水一
輪月今夜故人來不來

蔣處士宅喜聞公至

絕括夏別螺江渡單鉢春過處士齋嘗茗議空經
夜半照花明月影侵階

經劉校書墓

遠冢松回曲渚風一官聞是校書終霜情月思今
何在零落人間策子中

句

顏淵明鏡覺思苦白雲知 滄洲迷釣隱紫閣負

僧期張爲主

戊籤十

十一十二同卷

唐音統籤卷六百

喻坦之睦州人苦心文華厄於一第

刺談錄

詩一卷

唐志無宋志有品彙以爲卽喻
鳧以詩辨之非也說見鳧下

五言律詩

春遊曲江

誤入杏花塵晴江一看春菰蒲雖似越骨肉且非
秦曲岸藏翹鷺垂楊拂躍鱗徒憐汀草色未是醉
眠人

和范秘書省中作

清省宜寒夜仙才稱獨吟鐘來宮轉漏月過閣移

陰鶴壁燈前靜
芸臺幄外深
想知因此與
暫動憶
山心

題耿處士林亭

身向閑中老
生涯本自然
草堂山木下
魚艇鳥花
邊窺井猿
兼鹿啼林
鳥雜蟬何
時人事了
依此亦
高眠

題樟亭驛樓

危檻倚山城
風帆檻外行
日生滄海赤
潮落浙江
清秋晚遙峰
出沙乾細草
平西陵烟樹
色長見伍
員情

發浙江

一作
兪是

島嶼遍含煙煙中濟大川山城猶轉海沙浦已搖
船海曙霞浮日江遙水合天此時空濶思翻想涉
窮邊

晚泊盱眙

一作
盱眙

廣葦夾溼流蕭蕭到海秋宿船橫月浦驚鳥遶霜
洲雲濕淮南樹笳清泗水樓徒懸鄉國思羈跡尚
東遊

灞上逢故人

花落杏園枝驅車問路岐人情誰可會身事自堪

疑嶽雨狂雷送溪槎漲水吹家山如此景幾處憶
相隨

商於逢友人

一作喻鬼

行役何時了年年骨肉分春風來漢棹雪路入商
雲水險溪難定林寒鳥異羣相逢聊坐石啼猿語
中間

代北言懷

困馬榆關北那堪落景催路行沙不絕風與雪兼
來草得春猶白鴻侵夏始迴行人莫遠入戍角有
餘哀

春歸江南

歸日值江春看花過楚津
草晴蟲網遍沙曉浪痕
新蓮葉初浮水鷗鷺已狎人
漁心慙未遂空厭路
岐塵

寄華陰姚少府

太華當公署爲官興可知
硯和青靄凍簾對白雲
垂峻掌光浮日危蓮影入池
料於三考內應惜德音移

晚泊富春寄友人

江鐘寒夕微江鳥望巢飛
水落山城出潮生海棹

歸獨吟霜島月誰寄雪天衣此別三千里關西信
更稀

留別友人書齋

相見不相睽一留日已西軒涼庭木大巷僻鳥巢
低背俗修琴譜思家話藥畦卜鄰期太華同上上
方梯

送友人遊東川

食盡須分散將行幾願留春兼三月閨人擬半年
遊風俗同吳地山川擁梓州思君登棧道猿嘯始
應愁

送友人南中訪舊知

春盡大方遊思君便白頭地蒸川有毒天暖樹無
秋水接三巴險猿分五嶺愁爲緣知己分南國必
淹留

大梁送友人東遊

自古東西路舟車此地分河聲梁苑夜草色楚田
曠馬已多南去蟬猶在此聞聖朝無諫穢何計謁
明君

送友人遊蜀

爲儒早得名爲客不憂程春盡離丹闕花繁到錦

城雪消巴水漲日上劔關明預想迴來樹秋蟬已
數聲

五言排律

長安雪後

雪落雲收盡天涯雪霽時草開當井地樹折帶巢
枝野渡滋寒麥高泉漲禁池遙分丹闕出迥對上
林宜宿片攀簷取凝花就砌窺氣陵禽翅束凍入
馬蹄危北想連沙漠南思極海涯冷光兼素彩向
暮朔風吹

陳情謹獻中丞

孤拙竟何營徒希折桂名始終誰肯薦得失自難
明貢乏雄文獻歸無瘠土耕滄江長發夢紫陌久
慙行意縱求知切才唯懼鑿精五言非琢玉十載
看遷鶯進取心甘鈍傷嗟骨每驚塵襟痕積淚容
鬢白新莖顧盼身堪教吹噓羽覺生依門情轉切
荷德力須傾獎善猶憐貢垂恩必不輕從茲便提
挈雲路自生榮

戊籤十一

潘咸

紀事作咸
又作誠

字里未詳與喻臯同時集一卷

唐宋

二志無文獻
經籍考有

今存詩五篇

登明戍堡

來經古城上極目思無窮
寇盡烟蘿外人歸蔓草
中峰巒當闕古堞壘對雲空
不見昔名將徒稱有
戰功

送陳明府之任

客見天台縣問閭樹色開
驂回幾臨水帶緩獨開
山吏散落花盡人居遠
烏陽過於老萊子端簡獨
承顏

長安春暮

客在關西春暮夜還同
江外已清明三更獨立看

花月惟欠子規啼一聲

舟行

平沙極浦無人度，猶繫孤舟寒草西。
半夜起看潮上月，萬山中有一猿啼。

送僧

闕下僧歸山頂寺，却看朝日下方明。
莫道野人尋不見，半天雲裏有鐘聲。

句

棧踏猿聲暮江看，劍影秋送人遊蜀僧老白雲上磬。
寒高鳥邊心已同，猿梳不聞人是非。行人渡。

流水白馬入前山

秋深雪滿黃金寨夜夜鴻聲

入漢陽

以上並見
主客圖

戊籤十二

陳上美開成二年進士第一有詩集傳世

唐宋志
俱不載

有集惟元郝天挺云有集
意必嘗見之而今無考矣

咸陽有懷

山連河水碧氛氳瑞氣東移擁聖君秦苑有花空
笑日漢陵無主自侵雲古槐堤上鷺千疇遠溜沙
中鷺一羣賴與淵明同把菊煙郊西望夕陽曛

卷終

戊籤十三

唐音統籤卷六百一

方干字雄飛新定人

干父名肅工詩毋卽詩人章八元女也新定卽今嚴郡浙

乘云干恫廬人

徐凝一見罷之授以詩律爲人質野喜凌

侮每見人設三拜曰禮數有三識之者呼爲方三

拜

一云謝康詩誤三拜人因呼之

貌寢又兔缺有司以故不與科

名隱會稽之鏡湖及遇醫補唇已老矣因終身不出嘗謁姚合合意侮之覽詩卷爲變容敬禮列郡

湖州鄭仁規建州李頻九江陶詳並於干契分爲

深初會稽守王龜欲薦干諫署不果歿後宰臣張

文蔚奏文人不第者十五人干預其數追賜及第

干律詩鍊句字字無失有高堅峻拔之目自咸通

得名迄文德江之南未有及者後進私謚爲玄英

先生集十卷今合爲八卷

干詩門人楊弁與門僧居遠所編三百七十餘

篇樂安孫卽幼爲干所知因立傳并請中書舍人

祿縣王贊爲序傳文不重載載序略于後

唐與風雅復振陳子昂始以骨氣爲至寢拘四聲

五七字律建中後錢起爲最杜甫雄鳴至德大曆

間可謂無聲無臭者矣吳越故多詩未有新定方

干擅名抗越干之爲詩鏗肌滌骨水瑩霞綯嘉肴

自將不吮餘雋麗不麓紛苦不棘癢當其得志條

與神會詞若未至意已獨往余爲兒時心獨好之

地遠莫克相見其後生名愈藉爲詩者多能諷之

而生成歿矣乾寧丙辰遇樂安孫卽於削出所作玄

英先生傳與其詩欲余爲序冀借不朽先是丹陽

有南陽張祐差前于生其詩放言橫肆皆吳越之

遺逸余嘗被之張祐升杜甫之堂方干入錢起之

室矣干集宋本其存計三百十七篇少楊弁所

殺者五十餘而宋藝文志爲卷僅二意當時已有遺落者今於他書搜得二十九篇各注補字題下尚缺二十有餘俟淹博者再補之

七言古詩

採蓮曲

補

採蓮女兒避殘熱
隔夜相期侵早發
指剝春蔥腕似雪
畫橈輕撥蒲根月
蘭舟遲速有輪贏
先到河灣賭何物
纔到河灣分首去
散在花間不知處

五言律詩一

君不來

閑花未零落
心緒已紛紛
久客無人見
新禽何處

聞舟隨一水遠路出萬山分夜月生愁望孤光必
照君

新正

華門惆悵內時節暗來頻每見新正雪長思故國
春雲西斜去鷹江上未歸人又一年爲客何媒得
到秦

閏春

暮暮復蒼蒼微和傍早陽前春寒

一作惜
寒秦

已盡待

閏日猶長柳變雖因雨花遲豈爲霜自茲延聖曆
誰不駐年光

秋夜

度鴻驚睡醒欹枕已三更
夢破寂寥思燈殘零落
明空窗閑月色幽壁靜
蟲聲况是離鄉久依然無
限情

冬日

燒火掩關坐窮居
客訪稀凍雲愁暮色
寒日淡斜暉
穿牖竹風滿遶庭雲
葉飛已嗟周一歲
羈寓尚何依

歲晚苦寒

地氣寒不暢
嚴風無定時
挑燈青燼少
呵筆尺書

月二系雜
遲白兔沒已久晨雞僵未知竚看開聖曆曠煦立
爲期

除夜

永懷難自問此夕衆愁興曉韻侵春角寒光隔歲
燈心燃一寸火淚結兩行冰煦育誠非遠陽和又
欲昇

鏡中別業二首

寒山壓鏡心此處是家林梁燕窺春醉岳嶺學夜
吟雲連平地起月向白波沉猶自聞鐘角棲身可
在深

世人如不容吾自縱天慵落葉憑風掃香旂情水
春花朝連郭霧雪夜隔湖鐘身外一作能無事頭
宜白此峯

山中卽事

趨世非身事山中適性情野花多異色幽鳥少凡
聲樹影搜涼臥苔光破碧行閑尋採藥處仙路漸
分明

山中

散拙亦自遂粗糲將猿鳥同飛泉高瀉月獨樹迥含
風果落盤盃上雲生篋笥中未甘明聖日終作釣

漁翁

客行

藕葉綴爲衣東西泣路岐鄉心日落後身計酒醒
時觸目多添感凝情足所思羈愁難盡遣行坐一
低眉

暮發七里灘夜泊嚴光臺下

一瞬卽七里箭馳猶是難檣邊走嵐翠枕底失風
湍但訝猿鳥定不知霜月寒前賢竟何益此地誤
垂竿

旅次錢塘

此地似鄉國堪爲朝夕吟雲藏吳相廟樹引越山
禽潮落海人散鐘遲秋寺深我來無舊識誰見寂
寥心

過申州作

萬人曾死戰幾戶免刀兵
井邑初安堵兒童未長
成涼風吹古木野火燒
一作入殘營寥落千餘里山
空水復清

懷州客舍

誤飲覃懷酒誰知滯去程
朝昏太行色坐臥沁河
聲白道穿秦甸嚴輦似戍城
隣雞莫相促遊子自

晨征

金州客舍

卷箔羣峰暮蕭條未掩關江流嶓冢兩帆入漢陰
山落葉歇眠後孤砧倚望間此情偏耐醉難遣酒
罍闌

早發洞庭

長天接廣澤二氣共含秋舉目無平地何心戀直
鉤孤鐘鳴大岸片月落中流却憶鴟夷子當時此
泛舟

過黃州作

見方輿
勝覽

弭節齊安郡孤城百戰殘傍村林有虎帶郭縣無
官暮角梅花怨清江桂影寒黍離緣底事撩我起
長嘆

收兩京後還上都兼訪一二親故

離堂千里客歸騎五陵人路轉函關晚烟開上苑
新天涯將野眼闕下見鄉親問得存亡事裁詩寄
海濱

冬夜泊僧舍

江東寒近臘野寺水天昏無酒能消夜隨僧早閉
門照牆燈焰細着瓦雨聲繁漂泊仍千里清吟欲

斷竟

寒食宿先天寺無可上人房

補

雙扉檜下開寄宿石房苔幡并燈花動城西雲霞
來收棊想雲夢罷茗議天台同憶前年臘師初白
閣廻

憶故山

舊山長繫念終日臥邊亭道路知己遠夢魂空再
經秋泉涼好引乳鶴靜宜聽獨上高樓望蓬身且
未寧

處州洞溪

氣象四時清無人盡得成衆山寒疊翠兩派綠分
聲坐月何曾夜聽松不似晴泥元融結後便有此
溪名

稱心寺中島

水木深不極似將星漢連中州唯此地上界別無
天雪折停猿樹花藏浴鶴泉師爲終老意日日復
年年

夏日登靈隱寺後峰

絕頂無煩暑登臨三伏中深蘿難透日喬木更含
風山疊雲霞際川傾世界東那知茲夕興不與古

人同

遊竹林寺

得路到深寺幽虛曾識名
蘚濃陰砌古煙起暮香
生曙月落松翠石泉流
梵聲聞僧說真理煩惱自
然輕

登雪竇僧家

一作苦竇
雲禪者壁

登寺尋盤道人烟遠更微
石牕秋見海山靄暮侵
衣衆木隨僧老高泉盡日
飛誰能厭軒冕來此便
忘機

涵碧亭

洋州于中丞
宰東陽日詩

高低竹雜松積翠復留風路極陰溪裏寒生暑氣
中閑雲低覆草片水靜涵空方見洋源收心伴造
化功

陸處士別業

問道遠相訪無人覺路長夜深迴釣檝月影出書
牀蟬噪蓼花發禽來山菓香多時欲歸去西望又
斜陽

詹碯山居

愛此棲心靜風塵路已賒十餘莖野竹一兩樹山
花遶石開泉細穿蘿引徑斜無人會幽意來徃在

煙霞

路支使小池

兒童戲穿鑿咫尺見津涯
蘚岸和纖草松泉濺淺沙
光含半牀月影入一枝花
到此無醒日當時有習家

戊籤十三方干之二

唐音統籤卷六百二

五言律詩二

將謁商州李郎中道出楚州獻韋中丞

江流盤復直浮棹出家林
商洛路猶遠山陽春已
深青雲應可望白髮未相侵
才小知難薦終勞許
郭心

贈功成將

定難在明略何曾勞戰爭
飛書諭強寇計日下重
城深雪移軍夜寒笳出塞
情苦心殊易老新髮早
年生

贈喻鳧

所得非衆語衆人那得知纔吟五字句又白幾莖
鬢月閣欹眠夜霜軒正坐時沉思心更苦恐作滿
頭絲

贈許贖秀才

理論與妙用皆從人外來山河澄正氣雪月助宏
才傲世寄漁艇藏名歸酒杯昇沉在方寸卽恐起
風雷

贈許贖山人

才子醉更逸一吟傾一觴支願忽有得搥筆便成

章王粲實可重
禰衡爭不狂
何時應會面
夢裏是瀟湘

白艾原客

原上桑榆瘦
再來還見貧
滄州幾年隱
白髮一莖
新敗葉平空
墜殘陽滿近
隣閒言說
知已半是學
禪人

贈中岳僧

坐來藥木大
誰見入品年
多病長留藥
無憂亦是
禪
搗床移片石
春粟引高泉
盡願求心法
逢誰卽

擬傳

一作老去唯多病
寒來忽廢禪
夜雲侵靜
獨枯葉落
澄泉盡
擬求心法
當期早晚傳

贈鏡公

一作旅次錢塘

幽獨度遙夜夜清神更閑高風吹越樹細露濕

一作

雨暗湖山月皎微吟後鐘鳴不寐間如教累簪組此

與豈相關

贈詩僧懷觀

一作靜

多生餘習在時復却微吟坐夏葺苔匝

一作合

行禪

檜栢深入山成白首學道是初心心地不移變徒

勞

一作云

寒暑侵

贈瑪瑙山禪者

仍

一作蒲

草不停獸因飼山更靈村林朝乞食風雨

夜開扇井味兼松粉雲根着淨一作瓶塵勞如醉
夢對此暫能醒

贈雪竇峯禪師

飛流

一作泉

濺禪石瓶屢每

一作注亦

生苔海上山不淺

天邊人自來度年隨檜栢獨夜任風雷獵者聞疎
磬知師入定迴

清源標公

師爲衆人重始得衆人師年到白頭日行如新戒
時瓶添放魚澗應迥裏猿枝此地堪終老迷疑自
不知

題碧溪山禪老

一作贈鶴
隱寺僧

師步有雲隨師情唯鶴知蘿迷收菜

印木也木从
草从木省作

末路雪隔出溪時竹猗窺沙井巖禽停檜枝由來
傲卿相臥穩苔書遲

贈江南僧

補

忘機室亦空禪與沃州同唯有半庭竹能生竟日
風思山海月上出定印香終繼後傳衣者還須立
雪中

酬故人陳又都

遠別那無夢重遊似有期半年鄉信到兩地客心

知坐久吟移調更長
硯結澌文人才力薄
終怕阿戎欺

貽錢塘縣路明府

志業

一作至學

不得力至

一作到

今猶苦吟吟成五字句

用破一生心世路屈聲遠寒

一作雲

溪怨

一作亮

氣深

前賢多晚達莫怕鬢霜侵

與清溪趙明府

清規暫趨府獨立與誰親
遂性無非酒

一作醉

求閒

却愛貧林泉應入夢
印綬莫留人
王事聞多暇吟

來幾首

一作新句

月二十日
暮冬書懷呈友人

空爲梁甫吟誰竟是知音
風雪生寒夜鄉園來舊
心滄江孤棹迥白閣一
鍾深君子久忘我此懷
其自沉

此首已見喻危四

示鄉叟

暮齒其衰謝逢人惜別離
青山前代業老樹此身
移買藥將衣盡尋方見字
遲如何鬚殘鬢覽鏡變
成絲

汝南過訪田評事

移家近漢陰不復問華簪
買酒宜城遠燒田夢澤

深暮山逢鳥入寒水見魚沉與物皆無累終年愜
本心

途中逢進士許巢

聲望

一作價

去已遠問人無不知義行相識處貧過

少年時妨寐夜吟苦愛閒身達遲難求似君者我
去更逢誰

途中逢孫輅因得李頻消息

灞上寒仍在柔條亦自新山河雖度臘雨雪未知
春正憶同袍者堪逢共國人

一作亦

無語與

爾轉相親

東溪別業寄段郎中

前山含遠翠羅列在窗中盡日人不到一樽誰與
同涼隨蓮葉雨暑避柳條風豈分長岑

一作孤

寂明

時有至公

湖上言事寄長城喻明府

吟霜與臥雲此興亦甘貧吹簫落翠羽垂絲牽錦
鱗

鱗

作燕羣蒸

米垂絲釣錦鱗滿湖風撼月半日雨藏春却咲

繁簪組勞心字遠人

寄普州賈司倉鳥

亂山重復疊何處訪先生豈料多才者空垂不第

一作名閑曹猶得醉薄俸亦勝耕莫問吟詩石年
年芳草平

東溪言事寄于丹

日月晝夜轉年光難駐留軒牕才過兩枕簟卽知

秋草

一作天

際鳥

一作鳴

行出溪中虹影收唯君壯心

在應笑卧滄洲

寄李頻

張爲取作
王谷圖

衆木又搖落望君還不

一作猶未

還軒車在何處

一作何處

兩雪滿前山思苦文星動鄉遙釣渚閑明年見

名姓唯我獨何顏

途中寄劉沆

一作寄朱特

登車誤相遠談笑亦何因路入瀟湘樹書隨巴蜀人
歛衣寒犯雪傾篋病看春莫負髫年志清朝作
一作獻臣

中路寄喻鳧先輩

求名如未遂白首亦難歸送我樽中

前一作

酒典君

身上衣寒蕪隨楚盡落葉渡淮稀莫笑

一作嘆

干時

晚前心豈便非

重寄金山寺僧

風濤匝山寺磬韻達漁船此處別師久遠懷無信

傳月華妨靜燭鳥語答幽禪已見如如理灰心應
不然

寄石湓清樾上人

寺處唯高僻雲生石枕

一作枕石

前靜吟困得句獨夜

不妨禪窗接停猿樹岳飛浴鶴泉相思有書札俱
借獵人傳

滁上懷周賀

就枕忽不寐孤懷興歎初南譙收舊曆上苑絕來

書

一作已經天日

暝雪細聲積晨鐘籟韻疎侯門

昔彈鋏曾共食無魚

一作魚

唐音統籤

卷六百二

七

戊

戊籤十三方子之三

唐音統籤卷六百三

五言律詩三

湖南使院遣情送江夏賀侍郎

雲雨一消散悠悠關復河俱從泛舟役遂隔洞庭
波楚水去不盡秋風今更過無由得相見却悵寄
書多

江州送李侍御歸東洛

獨乘驄馬去不並旅人還中外名卿貴田園高步
閑暮春經楚縣新月上淮山道路空瞻望軒車不
敢攀

送崔拾遺出使江東

九門思諫諍，萬里采風謠。
關外逢秋月，天涯過晚潮。
鴈飛雲杳杳，木落浦蕭蕭。
空怨他鄉別，迴舟暮寂寥。

送盧評事東歸

萬里楊柳色，出關隨故人。
輕烟覆流水，落日照行塵。
積夢江湖闊，憶家兄弟貧。
徘徊灞亭上，不語共傷春。

送郭太祝歸江東

鄉人去欲盡，北鴈又南飛。
京洛風塵久，江淮音信

稀舊山知獨往一醉莫相違未得解羈旅無勞問
是非

送姚合員外赴金州

補

受詔從華省開旗發帝州野烟新驛曙殘照古山
秋樹勢連巴沒江聲入楚流唯應化行後吟句上
閒樓

送饒州王司法之任兼寄朱處士

莫辭

一作愁

還作吏且喜速迴車留醉悲殘歲含情

寄遠書共看衰老近轉覺宦名虛遙想清溪畔幽
人得自如

送汶上王明府之任

何時到故鄉歸去佩銅章親友移家盡閭閻百戰
傷背關餘草木出塞足風霜遺老應相賀知君不
下堂

送江陰霍明府之任

補

遙遙去舸新浸郭葦兼蘋樹列巢灘鶴鄉多釣浦
人虹分陽羨雨浪隔廣陵春知竟三年秩琴書外
足貧

送剡縣陳丞秩滿歸越

俸祿三年後程途一月間舟中非客路鏡裡是家

山密雪霑行袂離

一作叢

孟夔別顏古人唯賀滿今

挈解由還

送趙明府還北

故園

一作林

終不住劔鶴在扁舟盡室無餘俸還家

得白頭鐘催吳岫曉

一作晚

月遠

一作照

渭河流曾是

樓安邑恩期異日酬

送沛縣司馬丞之任

舉酒一相勸逢春聊盡歡
羈遊故交少遠別後期
難路上野花發雨中青草寒
悠悠兩都夢小沛與長安

重陽日送洛陽李丞之任

爲文通絕境從宦及良辰
洛下知名早腰邊結綬
漸且傾浮菊酒聊拂染衣塵
獨恨滄洲侶愁來別
故人

送班主簿謁荆南韋常侍

一作謁
盧尚書

束書成遠去還計莫經春
倒篋唯求醉登船自笑
貧波移彭蠡月樹沒漢陵人
試吏曾趨府旌幢自
可一作
易得親

送李恬及第後選貝州

成名年少日就業
聖人書擢桂誰相比
籬金已不

如東城送歸客秋日待征車若到清潭畔儒風變
里閭

送王羽登科後歸江東

一作戴叔倫詩

南行無俗侶秋鴈與寒雲野性自多愜鄉名人共
聞吳山中路斷浙水半江分此地登臨慣含情一
送君

送喻坦之下第還江東

文戰偶未勝無令移壯心風塵辭帝里舟楫到家
林過楚寒方盡浮淮月正沉持盃話來日不聽洞
庭砧

送姚舒下第遊蜀

蜀路何迢遞，憐君獨去遊。風烟連北虜，山水似一

勝

東甌。九折盤荒坂，重江遶漢州。臨邛一壺酒，能

道

一作長卿愁

清明日送鄧芮還鄉

一作戴叔倫詩

鐘鼓喧離室，車徒促夜裝。曉厨新變火，輕柳暗翻

霜。轉鏡看華髮，傳盃話故鄉。每嫌兒女淚，今日自

沾裳

送許渾

一作溫

壯歲分彌切，羣年心正一作同。當聞千里去，難遣

一罇空翳燭蒹葭雨吹帆橘柚風明年見親族冬
集在懷中

送于丹

至業是至寶莫過心自知時情如甚暢天道卽無
私入洛霜霰苦離家蘭菊衰焚舟不迴顧薄暮又
何之

送相里燭

相逢未作期相送定何之不得長年少那堪遠別
離泛湖乘月早踐雪過山遲永望多時立翻如在
夢思

塗中別孫璐

一作送
從凡部

道路本無限

一作更

應何處逢流年莫虛擲華髮

不相容野渡波搖月空城雨霽鐘此心隨鳥去迢

遞過重峰

殘秋送友

早為千里別况復是秋殘木葉怨先老江雲愁暮

寒交情如水澹離酒泛盃寬想料還家後休吟行

路難

送人遊日本國

蒼茫大荒外風教即難知連夜揚帆去經年到岸

遲波濤含左界星斗定東維或有歸風便當爲相
見期

送道上人遊方

律儀通外學詩思入玄關烟景隨人別風姿與物
閑貫花留靜室况水度空山誰識浮雲意悠悠天
地間

送鏡空上人遊江南

去住如雲鶴飄然不可留何山逢後夏一食在孤
舟細雨蓮塘晚疎蟬橘岸秋應懷舊溪月夜過石
窗流

別喻鳧

知心似古人歲久分彌親離別波濤濶留連槐柳
新墓陵寒貫酒漁浦夜垂綸自此星居後音書豈
厭頻

經周處士故居

愁吟與獨行何事不傷情久立釣魚處唯聞啼鳥
聲山蔬和草嫩海樹入籬生吾在茲溪上懷君恨
不平

過朱協律故山

地下無餘恨人間得盛名殘篇續大雅稚子託諸

生度日山空暮綠溪鶴自鳴難收故交意寒節一
聲聲

哭胡珪

才高登上第孝極歿廬墜一命何無定片言徒有
聲故園花自發新塚月初明寂寞重泉裏豈知春
物榮

中秋月

涼宵烟靄外三五玉蟾秋列野星辰正當空鬼魅
愁泉澄寒魄瑩露滴冷光浮未折青青桂吟看不
忍休

新月

入夜天西見蛾眉冷素光潭魚驚釣落雲鴈怯弓
張隱隱臨珠箔微微上粉墻更憐三五夕仙桂滿
輪芳

柳補

搖曳惹風吹臨堤軟勝絲態濃誰爲

一作

識力弱

自難持學舞枝翻袖呈粧葉展眉如何一攀折懷
友又題詩

陳秀才亭際水蘭

昔見初栽日今逢成樹時存思心更感遶看步還

遲蝶舞搖風藥鶯啼含露枝徘徊不忍去應與醉
相宜

方著作畫竹

疊葉與高節俱從毫末生流

一作留

傳千古譽研鍊

十年情向月本無影臨風疑有聲吾家釣臺畔
一作似此兩三莖

杜鵑花

未問移栽日先愁落地時疎中從間葉密處莫燒
枝郢客教誰探胡蜂見自知周廻兩三步常有醉
鄉期

題友人山花

平明方盡坼爲得好風吹不見移來日先愁落去
時濃香薰夢葉繁朶壓卑一作歌枝來一作坐看皆終

多遊蜂似

一作自有期

聽新蟬寄張畫

細聲頻斷續審聽亦難分髣髴應移處從容却不
聞萬樓朝咽露樹隱暎吟雲莫遣鄉愁起吾懷祗
似君

陳式水墨山水

造化有功力平分歸筆端溪如水後聽山似燒來

看立意雪鬚

一作看鬚

出支願煙汗

一作汗

乾世間從爾

後應覺致名難

朔管

寥寥落何處一夜過胡天送苦秋風外吹愁白髮
邊望鄉皆下淚久戍盡休眠寂寞空沙曉開眸片
月懸

曉角

畫角吹殘月寒聲發戍樓立霜嘶馬怨攢積泣兵
愁燕鴈鳴雲畔胡風冷草頭罷開三會後天迥曉
星流

夜聽步虛

寂寂永宮裏天師朝禮聲步虛聞一曲渾欲到三更
更瑞草秋風起仙塔夜月明多年遠塵意此地欲
鋪平